



UNIVERSITÄTS-  
BIBLIOTHEK  
PADERBORN

**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

315. Quis ortus & progressus Coadiutoriarum.

---

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

**Questio 314.** Num coadjutoria istiusmodi cum futura successione repugnant indulxit Cardinalium, Episcoporum, Prelatorum aliorum Collegiorum, & Universitatum, que habent circa collationem beneficiorum in mensibus Papa reservatis.

1. **R**esp. ad primum, nimur quo ad Cardinales, & Episcopos affirmati. Par. de resig. I. 6. q. 5. n. 70. Gonz. ad reg. 8. gl. 5. §. 9. n. 1. Remouch. c. 5. n. 18. Nicol. tit. 1. dub. 8. §. 9. Rota in una Tolestan. Archipresb. teste Moheda decif. 10. de privileg. per totam. Put. decif. 10. l. 2. apud Gonz. & sic expressè de indulxit Cardinalium, quod excludant gratias illas præventivas, & quod ad derogandum illis per coadjutorias requiratur expressa derogatio. Cassid. tit. de pæciis, decif. jur. c. 4. de privileg. Put. Mohed. loc. cit. apud Remouch. loc. cit. cum enim illi de jure communi intentionem fundatam habeant conferendi beneficia omni mente vacantes, per talia indulta nihil de novo iis conceditur, nec propriè augetur illa ipsi à jure communi concessa facultas, & indulta illa non tam sint privilegia, quam solum removeant impedimenta illis obstantia per reservations apostolicas. Gonz. ad reg. 8. cancell. gl. 24. n. 24. & seq. Garc. de benef. p. 5. c. 5. n. 7. Remouch. de coadjutor. c. 5. n. 18. Nicolart. in concord. Germ. tit. 1. dub. 8. §. 9. citans pro hoc plures Rotæ decif. Idcirco illi vi illorum indultorum, qua non minus sunt favorabilia, & clausulis æquè præquantibus munita, quam ipsa concordata Germ. (quamvis ex eo fortè difficilis illis derogetur, quod insuper, ut dictum, habeant rationem pacti) beneficia coadjutorii affecta in prædictis mensibus aliis reservatis rectè conferunt; cum Papa circa eorundem indultorum speciale & expressam derogationem aut ipsorum indultariorum consensum tales coadjutorias concedere nequeat aut soleat.

2. **R**esp. Ad secundum negativè, nimur quo ad indulta concessa collegiis, Universitatibus studiorum generalium, & Prælatis, quibus extra assistentiam juris communis extraordinariè, & ex mera fidei Apostolica indulgentia competit facultas nominandi, & providendi de beneficiis vacantibus in mensibus reservatis. Remouch. cit. c. 5. n. 18. & ex eo verbore eius Nicolart. loc. cit. §. 10. Indulta enim in hoc casu nixa favore & privilegio speciali, & emanare plerumque solita ob privatam utilitatem certorum beneficiorum verè per obitum in certis mensibus Apostolicis vacantium careant illa juris assistentiā, conceduntur salvis non solum præventionibus (ut dictum etiam de concordatis Germaniae) sed & gratiis præventivis, nempe exspectatibus à Papa concessis aut concedendis & aliis beneficiis, qua fortè per manus appositionem à Papa affici solent; ut Papæ tamen per manus appositionem affecta manere beneficia, de quibus per gratiam Coadjutoralem disponit, sive super quibus coadjutoriorum concedit, sentire videntur Remouch. & Nicolart. citato Garcia, p. 5. c. 1. n. 174. qui tamen ibi aliud nihil, quam quod nos quest. præced. ex Puteo, nimur dubitari de eo, num ex inde nascatur talis affectio impediens collatores ordinarios, & ad illud probandum non valere exemplum de commendis. Quia et si hac indulta gratias istiusmodi præventiones excluderent, adhuc, quia integra pleniorque potestas inabdicabiliter remanet penes Papam

concedentem, tacita & virtualis derogatio resultans ex contraria Papa dispositione sufficit. Remouch. & Nicol. II. cit. citantes Gonz. ad reg. 8. §. 2. proam. n. 2. & 9. ubi tamen is nihil aliud, quam quod Papa concedendo Episcopis quatuor aut sex illos menses, adhuc possit in illis cum iis concurtere; quia penes Papam concedentem manet eadem & major potestas juxta c. dudum, de præb. in 6. & quod Princeps, ut Bald. conf. 3. 26. in fine, dum committit alteri jurisdictionem, videatur eandem sibi reservare, nisi pro bono pacis permittat expresse contrarium; & quod semper authoritas concedentis maneat illa & inseparabilis penes eum residet potestas. Qualia, & non alia, utpote loquens de solis Episcopis respectu mensum ordinariorum haber Lott. I. 2. q. 2. n. 26. & 28. quem intus citat Nicol. de cetero obstare non viderur responsori, quod quibusdam hujusmodi indulxit inferatur prærogativa gaudendi concordatis Germaniae cum decreto irritante, quis prærogativa illa respicere duxat potest executionem seu modum conferendi & immittendi taxativè respectu dictorum beneficiorum verè per obitum, non antem facte seu alio modo vacantium vel reservatorum, aut per collationem, exspectarivam, aut alias manus appositionem effectorum. Remouch. loc. cit. & ex eo Nicol. loc. cit. §. 11.

**Questio 315.** Quis ortus & progressus Coadjutoriarum.

1. **R**esp. primò: quod spectat ad Coadjutorias temporales, fuere ex primis non aliunde, quam moribus ob insufficientiam Episcoporum, aliorumque Prelatorum ex necessitate pro salute populi, & subditorum introductæ; donec dein sic jure statutum à Gregor. IX. ut Episcopis, Archidiaconis & rectoribus quarumcunque Ecclesiarum senio aut morbo impeditis & redditis inhabilibus ad explendum munus suum darentur Coadjutores, assignata illis congruā sustentatione, & ceteris ecclesiæ preventibus relictis, quod ad viverent, dictis rectoribus inhabilibus, ut patet ex tit. de cler. agrot. & debilitato. Remouch. tract. de Coadj. c. 3. n. 1. vide Thomalin. in vet. & nova Eccl. discipl. 2. 2. c. 59. n. 7.

2. **R**esp. secundò. De Coadjutoriarum perpetuarum, sive qua sunt cum futura successione, origine noua ita liquet. Illud tamen certum, fuisse eam antiquissinam. Par. de resig. I. 7. q. 20. n. 1. Lott. de re benef. I. 2. q. 25. n. 8. & non tam jure communi (utpote in quo, ut dictum supra, nullum earum existat vestigium) quam moribus & stylo aduentas esse. Remouch. loc. cit. n. 4. & ex Cassador. decif. 2. n. 2. de restit. spoliat. Gonz. ad reg. 8. cancell. gl. 5. §. 9. n. 46. Thomas. cit. c. 59. n. 9. in specie de Coadjutorii illis perpetuis in beneficiis inferioribus ait: quam certis praesidiis nitantur Coadjutores, quibus canonica suffragantur causa & rationes, tam nutat vacillatque horum Coadjutorum ratio, quorum succedendi consuetudini nulla sicut jura, sed unius Romana curia usus stylusque, ideo & proscripti sunt à Tridentino Coadjutores bi omnes spe improba succedendi sibi blandientes &c. Permitti quoque potest, habuisse illas in tantum affinitatis aliquid à jure veteri, in quantum legitimè datus coadjutor temporalis, si post deceplum Coadjuti inveniebatur dignus, designari solebat per Papam successor. Remouch. loc. cit. n. 4. & 5. citans Rebuff. in pr. benef. de resig. expres. n. 6. Et id quidem rationabiliter, tametsi enim ut inquit Lott. loc. c. n. 9. & 10. defuncto Coadjutore possit

possit magis idoneus successor inveniri, id tamen neque ex honestate est, neque utilitate Ecclesiaz; nam quod ad idoneitatem, eo ipso, quod semel causâ cognitâ electus quis sit huic muneri, in tantum presumitur quovis alio melior, ne de ejus idoneitate non possit dubitari, pro quo est textus c. i. dist. 24. & gl. in c. miramur. v. pro laboribus. dist. 61. & Coadjutor perfunctus officio videtur in assecutione istius beneficii cuivis alteri praeferendus ob labores semel pro Ecclesia illa impensos.

3. Resp. Tertiò. Stylus ille adscendi coadiutores, etiam cum futura successione, respectu Episcopatum usitatus per prima quinque sacula, antiquus valde videtur, eti non semper pariforans. Pro quo Remouch. citat. l. 2. Histor. Ecc. auctore Ruffino. c. 3. n. 7. Sic Macarius Episcopus Hierosolymitanus singulari & sapiente invento, ne sibi subrogaretur Episcopus Arianus, instigavit cives Hierosolymitanos, ut clam à se ordinatum Maximum Episcopum Diopolitanum invaderent, & detinerent Hierosolymis successorem sibi aliquando futurum, interim vero Coadjutorem. Sozomen. l. 2. c. 15. apud Thomas. loc. cit. p. 2. l. 2. c. 55. n. 12. Similiter, & quidem divino instinctu contigit Episcopum alteri Episcopo adscisci, primò quidem ut Coadjutorem, futurum dein in ecclesiâ successorem, dum Narcissus Episcopus Hierosolymitanus, Alexandrum Cappadocia Episcopum venientem Hierosolymam ad visitanda loca sancta ad legit sibi in Coadjutorem, & si defuncto, in successorem cum Episcoporum provincie consensu, triplici in hoc casu utentium dispensatione, nempe solvendo Alexandrum à nexu prioris ecclesiâ, dando illum Narcissu in Coadjutorem & viventi in successorem. Euseb. Hist. Ecc. l. 6. c. 11. apud Thomas. loc. cit. n. 10. Idem fecit S. Athanasius, assumendo Petrum presbyterum in Coadjutorem, & laborum suorum socium, & designando illum, non quidem rupc, sed ex post, adventante nimis morte successorem suum, cui designatio & voluntati cleris & populus subscriptis. Theodoret. l. 4. c. 18. apud Thomas. loc. cit. n. 3. & Ruffin. loc. cit. apud Remouch. cit. n. 10. sic quoque in latina & occidentis Ecclesia Valerius Hippo-nensis Episcopus ingravescere senecta & infirmitate ab Episcopo Carthaginensi primate suo imperavit licentiam, accedente consenu Episcoporum illius provincie, nec non cleri populique Hippo-nensis, ut Augustinus se superstite creatureturum Episcopum in eum suum, ut non tantum sibi mortuo succederet, sed & superstiti accederet Coadjutor. Possevin. in vita S. Augustini c. 8. apud Thomas. loc. cit. c. 56. n. 1. & 2. in quo facto ipse Augustinus illud maximè improbat, quod Valerius se adhuc vivente ordinari fecerit Episcopum, atque ita duos simul esse Episcopos unius Ecclesia, quod fieri veterat concilium Nicænum can. 8. quam ingestâ exemplorum copia obrutus prius obmutuerat Augustinus: nequaquam verò, ut ait Thomas. Augustino futuro sollicito circa canonis illius transgressionem, modò Valerius, designato & electo Coadjutore & successore suo, solâ ejus consecratione abstinuisse. Hunc errorem postmodum correcturus Augustinus, dum Erradium presbyterum suum in concione cleri & populi, eo applaudente, designavit successorem suum, & tantisper quo ad vixit. Coadjutorem suum hisce expressis, ut constat ex ejus epistola 110, cuius textum recitat Thomas. loc. c. 56. n. 5. adhuc in corpore positio beatæ memoriae Patre & Episcopo se-

ne Valero, Episcopus ordinatus sum, & sed cum illo, quod Concilio Nicano prohibitum esse nesciebam, nec ipse sciebat. quod ergo reprehensum est in me, nolo reprobandi in filio meo, erit presbyter ut est, quando Deus voluerit futurus Episcopus. Interim tamen in munia ipsa & functiones episcopalis officii succedere Erradium voluit Augustinus successorem designatum, ut ipse totum se conferret ad Ecclesiâ defensionem, & ad hæreticorum expugnationem, quam illi provinciam demandarant Numidia & Carthaginis Concilia, ut ipse Augustinus testatur hisce expressis: obsecro, ut huic juveni, huic presbytero Erradio, quem hodie in nomine Christi designo Episcopum successorem mihi, patiamini me refundere onera occupationum meorum &c. Verum quod attinet factum illud Valerii Hippo-nensis Episcopi (de quo textus est in c. non autem 7. q. 1.) videtur contineri in eo non tam designatione successoris quam accessus, ed quod Augustinus non fuerit successor, sed cœpiscopus Valerii, ut constat ex illis citatis textus verbis: Ita consecratus est, ut non succederet in cathedra Episcopo, sed accederet, nam incolumi Valerio Hippo-nensis ecclesiâ cœpiscopus factus est Augustinus. Fagn. in c. nulla. de concess. prob. n. 81. contra Lotter. l. 2. q. 25. n. 8. & Puteum decis. 226. n. 17. l. 3. quos errore lapsos ait Fagn. loc. cit. n. 44. & cit. n. 81. ait, exemplum hoc potuisse omitti; quia impertineat ad stabilendam Coadjutoriam cum futura successione. Quod etiam facit, quod qui cum alto simul & pari jure eandemque sedem ex aquo occupat, non possit, dum postmodum collega defuncto, solus regit, dicti collega successor. Sed quidquid sit de hoc, eadem saltu instantia obmoveri non potest contra factum ipsius Augustini simul in Coadjutorem & verum successorem designantis Erradi. Sed neque obstat Nicæno Concilio vetanti duos in una urbe, seu potius unius urbis esse Episcopos, quod minus is qui jam est episcopali charactere insignitus, vel etiam propriam ecclesiam reipsa, & non merè titulariter regendam haber, designetur Coadjutor alterius Episcopi, modò hoc vivente pari ac æquè principali jure unâ cum Coadjuto Episcopo non regat eandem Ecclesiam. De cetero qualiter practicatum primis illis facultis, ut quandoque unius civitatis duo essent Episcopi, vide apud Thomas. loc. cit. c. 55. & 56. ubi etiam, ut & in sequentibus, qualiter Episcopi morti vicini soliti sint suos denominare successores, non obstante synodo Antiochenâ can. 23. veritate, ne Episcopiam morti vicini sibi successores constituant; quem canonem vel in totum ignoravit Augustinus, aut existimavit, eo vetari solum successoris designationem ejusmodi, cui non suffragaretur cleri plebisque consensus; unde nec à Carthaginensi, nec ab alio Primate ullo copiam ac dispensationem ascendi successoris expertissi legitur Augustinus. Thomas. loc. cit. c. 56. n. 5. Atque ex his vides, hucusque necdum in designatione Coadjutorum cum futura successione expeditam & expectatam Romani Pontificis licentiam, sed ad summum Primatum vel Metropolitani cum consensu cleri & plebis.

4. Resp. quartò. Ab anno Christi 500. ad 800. quoque extare videntur hujus rei exempla, interveniente in ea Coadjutorum perpetuorum designatione summi Pontificis autoritate; sic anno 741. Bonifacius ille sanctitate & apostolatu Germania notissimus Archiepiscopus Moguntinus à Zacharia Papa impetravit licentiam allumendi sibi Coadjutorem cum futura successione, prout

de

de hoc est textus in c. petri i. 7. q. 1. de quo textu inquit Fagn. in c. nulla. de concess. prob. n. 78. loqui illum de Episcopo, cui ex permissione canonum dispensative dari potest Coadjutor cum futura successione. Quamvis addat n. 79. patere ex hoc textu, Papam non concessisse Episcopo designationem Coadjutoris cum futura successione, nisi cum duabus conditionibus, quarum una fuit, ut Episcopus eum probaret in ministerio Coadjutoris; altera, ut postquam probaverit, & aptum esse repererit, ad officium pastorale in ultima hora, quā secognovet ex hoc sacculo migraturum, sibi succcessorem designet: adeō quo talis coadjutoria valde diversa fuerit a modernis Coadjutoriis, utpote qua datur ante illum experimentum citra periculum mortis Coadjuti, & uno contextu cum futura successione. Addo, quod si textus idem accurate consideretur, Papa solum concederet Archiepiscopo Moguntino assumere sibi coadjutorem, qui post obitum ejus accederet ad apostolicam sedem, ab ea ordinandus, hoc est, providendus de Episcopatu illo; ordinare enim hic idem significat, quod *conferre*, vel certè idem quod *confirmare*, ut pluribus probat Fagn. n. 80. Exempla cetera præterio, utpote qua non tam Coadjutoriam quam puram designationem successoris superstibus Episcopis factam continent, qua conglobata vide apud Thom. loc. cit. c. 57.

5. Resp. quinto. Accedendo nunc ad tempora Caroli magno & stirpis ipsius, continuata fuerunt similium Coadjutoriarum cum futura successione in Archiepiscopatus exempla. Sic S. Rembertus Bremenensis Archiepiscopus, cum jam non esset amplius ferendo oneri par, petit à regibus Ludovico ejusque filiis Ludovico & Carolo cum approbatione Concilii, ut (nondum tamen interpellata fides Apostolicae autoritate) permitteretur Adelgarium Corbejenensis in Saxonia cœnobii monachum sibi jam nunc coadjutorem accersere, habitus dein successorum. Thom. loc. cit. n. 58. ex Surius in vita & Remberti, ad 4 Februar. Sic S. Udalricus Augustanus Episcopus imperavit ab Imperatore, ut Adalberoni nepoti suo administratio temporalis Episcopatus permitteretur, responsa etiam in Episcopatum ipsum successionem, cui tamen impretrationi vehementer dein rest. tum in Concilio Ingelheimensi ab Archiepiscopis & Episcopis, de quo vide Thom. cit. c. 58. n. 8. & Suriorum ad 14. Julii. similia attentata ad alios Episcopis vide apud Thom. Atque ita necdum recurrebat Romanum, nec ad cessionem Episcopi, nec ad resignationem in favorem, nec ad Coadjutorem & successorum sibi aſcendum, sed tota ea potestas residebat penes Imperatorem & concilium provinciale. Thom. loc. cit. n. 8.

6. Resp. sexto. Post annum Christi 1000. res hæc se aliquando aliter habuit, dum pro impenando Coadjutore cum futura successione cœpit recurri quoque ad Papam, non tamen declinato regum consensu & cleris suffragio; ut patet ex eo, quod dum Sancius Aragonum in Hispania Episcopus à Gregorio VII. peterer licentiam sibi aſcendi successorum, præsentaritque hunc in finem duos clericos, quorum alter ipse & Rex avertent Episcopatum illum conferri, Papa rejectis illis clericis, utpote concubina natis, monuit Episcopum, ut sibi pium aliquem adjungeret clericum, curas suas & functiones in eum refunderet, probatumque per annum & repertum idoneum Romanum mitteret, cleri totius testimonio instratum,

una cum charta regia, quā regis assensus declaratur; tunc enim talem non passurum repulsam: Thom. loc. cit. c. 59. n. 1.

7. Resp. septimo. Posterioribus vero sculis ante Tridentinum coadjutoria illa quoque perpetua in beneficiis inferioribus à summis Pontificibus gratiosè & specialiter concedi solebant. Garc. de benef. p. 4. c. 5. n. 22. Et quidem facile, ut Barbosa juris eccl. l. 3. c. 10. n. 32. juxta formulam, quam ponit Mandos. ad reg. cancell. 11. q. 6. Nascentibus tamen postea exinde variis abusibus regimini ecclesiastico valde noxiis, penitus eas abrogavit Tridentin. sess. 2. c. 7. Remouch. c. 3. n. 15. Garc. l. c. n. 23, ac ita quoque editio regio à Ludovico XIII. Gallia Rego anno 1629. Coadjutoria haec ad Canonici & parochiales ecclesiæ proscriptæ sunt teste Thomas. l. c. 6. 59. n. 10, ac ita observatum est tempore Pii V. & Gregor. XIII. usque ad tempora Sixti V. à quo non obstante Concilio, tales Coadjutoria concessæ denuo, & tempore Clementis VIII. concedebantur in dignitatibus, canonicatus & portionibus cathedralium & collegiarum ecclesiæ, & aliqua, licet paucæ, in parochialibus ab aliquo derogatione dicti Concilii. Garc. loc. cit. n. 24. Barbosa. loc. cit. n. 33. Et sic hodie ait de suo tempore Gonz. ad reg. 8. gl. 5. §. 9. n. 47. & seq. passim Conceduntur à sede Apostol. tales Coadjutoria perpetua, modò ad id porrigitur litera commendatitia Episcoporum, etiam per modum Epistola missæ attestantes, similem concessionem Coadjutoria Ecclesiæ utilem esse. et si petatur Coadjutoria ad aliquam præbendam in Cathedrali vel Collegiati, tunc quidem servatur, quod sufficiat literæ missivæ, seu epistola solius Capituli, vel majoris partis illius, quamvis Episcopus non scribat; & statim, si persona prætendens Coadjutoriam est alias idonea ad tale beneficium, ad illius & proprietari instantiam conceduntur similes gratias, quodad rectorias autem seu beneficia curata raro conceduntur, sed aliquando transeunt &c.

### Quæstio 316. Coadjutoria an sit beneficium ecclesiasticum?

R Espoudeo Coadjutoria neque temporalis, neque cum futura successione est verè ac propriè beneficium. Barbosa. loc. cit. n. 50. Gouz. loc. cit. n. 40. & 64. Azor. institut. mor. p. 2. l. 3. c. 2. q. 4. Ventrigl. tom. 2. annot. 13. §. unico. n. 36. Castropal. tract. 3. d. 1. p. 9. n. 1. ubi: Coadjutoria alia est cum jure successioni in beneficio, alia sine tali jure; quoque modo concedatur Coadjutoria, non est beneficium. Remouch. c. 8. n. 19. Tondut qq. benef. p. 2. c. 1. §. 3. n. 3. ubi: nec temporalis Coadjutoria, nec perpetua propriè appellatione beneficii venit. Per neutrum enim harum Coadjutoriarum confertur jus in re, sed solum per illam, quæ est cum futura successione, confertur jus ad rem. Barbosa. l. c. Tondut. l. c. n. 4. Castropal. l. c. Fagn. in c. nulla. de concess. prob. n. 54. nam per Coadjutoriam temporalem conceditur solum functio & regimen beneficii non quidem jure, habitu aut potestate, sed solo facto. Castropal. l. c. adeoque accedit proprius ad natum vicaria temporalis, quæ beneficium dici nequit, utpote cuius natura est, ut sit perpetuum, hoc est, aptum durare rotto tempore viræ possessoris, & sic, si non actu, saltem habitu, perpetua: Coadjutoria vero hæc non potest dici perpetua, quæ non Coadjutoris, sed Coadjuti morte terminatur: Tondut. loc. cit. Sic quoque Coadjutor cum futura successione jus nullum habet in beneficio, nec respe-